




ИШШОНЧИ

23

1994
йил
4—10
июнь
(165)

Ўзбекистон касба уюшмалари Федерациясининг газетаси



ХАБАРЛАР МАҒЗИ



• **АВВАЛ** хабар қилинганидек, Ўзбекистон Республикаси Президенти Ислом Каримов таклифига биноан Корея Республикаси Президенти Ким Ен Сан бугун давлат ташири билан мамлакатимизга келади.

• **ТОШКЕНТДА** ўтаётган Марказий Осиё республикалари болалар фольклор-этнография фестивали қатнашчиларига Ўзбекистон Республикаси Президенти Ислом Каримов табриқнома йўллади.

• **МАМЛАКАТИМИЗ** Президенти Ислом Каримов Бирлашган Миллатлар Ташкилоти Бош қотибининг ўринбосари Марек Гюлдингни қабул қилди.

• **ЎЗБЕКИСТОН** Республикаси Вазирлар Маҳкамаси аҳолига сотиладиган ёқилги, электр энергияси чакана нархларини ҳамда йўловчи ташиш транспорти хизматларининг тарифларини ўзгартириш тўғрисида қарор қабул қилди.

Вазирлар Маҳкамасининг қарори иловасида табиий газнинг 1000 куб метри 3500, 1 киловатт соат электр қуввати 30, электр плиталар билан жиҳозланган уй-жойларда яшовчи аҳолига бериладиган электр энергиясининг 1 квт.соати 15, 1 литр бензин (ўртача) 1000, 1 тонна қўмир (ўртача) 25000, шаҳар транспортда 1 марта юриш 100, шаҳар атрофига қатнайдиغان автобусларда йўловчиларни ташиш 1 километр йўл учун 17—25 сўм-купон қилиб белгиланганлиги кўрсатиб ўтилган.

• **ЎЗБЕКИСТОН** Республикаси Вазирлар Маҳкамасининг Қарорига кўра 1 июндан бошлаб 1 килограмм уннинг чакана нархи ўртача 500 сўм-купон ва 1 килограмм булка ноннинг чакана нархи 400 сўм-купон қилиб белгиланди.

• **ТОШКЕНТДА** бўлиб ўтган Ўзбекистон Республикаси Президенти ҳузурдаги иқтисодий ислохот, тadbиркорлик ва хорижий сармоялар бўйича идоралар кенгашининг навбатдаги мажлисини мамлакатимиз Президенти Ислом Каримов бошқарди.

Ўзбекистон Республикаси Вазирлар Маҳкамаси Чорва моллари ва сутнинг харид нархларини ошириш тўғрисида қарор қабул қилди.

• **“ЎЗБЕКИСТОН”** нашриёти “Ўзбекистон Республикаси Фармонлар ва қарорлар” руқни остида ҳозирги босқичда иқтисодий муносабатларни ислох қилишнинг ҳуқуқий асосларини яратувчи муҳим ҳужжатлар — Президент Фармонлари республика ҳукуматининг қарор ва фармойишларини чоп этди.

• **ЎЗБЕК** адабиётини ривожлантиришга қўшган муносиб хиссаси ҳамда жамият турмушида фаол иштирок этганлиги учун сузучи Хамид Гулом мамлакатимиз Президенти Фармонига кўра Ўзбекистон Республикаси Фахрий ерлиги билан мукофотланди.

• **ТОШКЕНТДАГИ** Жаҳон иқтисодиёти ва дипломатия университетида “Марказий Осиё мамлакатларида иқтисодий ва ижтимоий ислохотлар” мавзuida халқаро семинар иш бошлади.

• **ЎЗБЕКИСТОН** Республикаси футбол федерацияси Футбол федерациялари халқаро уюшмаси (ФИФА)га аъзо бўлди.

“ПРЕЗИДЕНТ КУБОГИ” УЧУН БЕЛЛАШУВ

БИР НЕЧА кунки пойтахтимиз халқаро теннис байрами оғушида яшамоқда. Тошкент телеминораси енидаги “Юнусобод” спорт соғломлаштириш мажмуида 28 май куни бошланган теннис бўйича Ўзбекистон Республикаси Президенти кубоги учун бошланган беллашув қизгин паллага кирди. Бу мусобақанинг мукофот жамғармаси 125 минг АҚШ долларини ташкил қилади.

Йигирмадан ортик мамлакатлардан ташриф буюрган “катта ракетка” усталари қатнашувидаги бу халқаро мусобақа Ўзбекистон теннис тарихида ажойиб саҳифа бўлиб қолади. 30 май куни “Юнусобод” спорт мажмуида ушбу турнирнинг тантанали очилиш маросими ва иштирокчиларнинг жамойиши бўлди. Республикаимиз мадҳияси янграб, давлатимиз байроғи кўтарилгач, “АТП-тур ЛТД” Швейцария фирмасининг президенти Сасон Какшури тантанали вазиятда теннис байрамини очиб деб эълон қилади. Ўзбекистон Республикаси Президенти Ислом Каримов спортчилар ва мусобақа меҳмонларини самимий табриқлаб, нутқ сўзлади. Очилиш маросимидан сўнг ҳамюртимиз Дмитрий Томашевич ва италиялик Давид Сангунинетти майдонга тушди. Қизгин курашлар давомида ҳамюртларимизнинг қўли баланд келди. Умумий ҳисоб билан

Д.Томашевич 2:1 ҳисобида ғолиб чиқиб республикаимиздаги теннис мухлисларини хурсанд қилди. Чунки, Дмитрий рақибдан профессионал теннисчилар ассоциациясининг рейтинг таснифида қарийиб 800 поғона пастда турарди.

Мусобақалар бошлангач муваффақиятли қатнашиб келаётган Олег Огородов исроиллик Жилад Блумни мағлубиятга учратиб, олдинги босқичга ўтиб олди. Яна бир юртдошимиз Темур Ганиевга эса омад кулиб боқмади. У венгриялик теннисчи Ш.Ножалига ютқазиб қўйди.

Дмитрий Томашевич ва Олег Огородовларнинг дастлабки рабабалари турнирнинг энг шов-шувли воқеаларидан биридир. Негаки рақибларидан анча “тажрибасиз” роқ бўлган ўзбекистонлик ҳар иккала теннисчининг мағлубиятлари ҳақида кўпгина мутахассислар “башорат” қилиб юришарди.


Иштирокчилар 28 майга қадар бир қанча саралаш мусобақаларида иштирок этишди. Халқаро турнирнинг бошланган куни 32 нафар теннисчи якка ва жупликларда биринчилик учун баҳсни қизитишди. “Президент кубоги” учун куч синашаётганларнинг орасида энг машҳур ва номдори Чак Адамс (АҚШ) ҳисобланади. У АТП рейтингда 85-ўринда.

Марокашлик Карим Алами ва француз Фабрис Санторолар Адамсдан бироз қуйи ўринларда. Очқоларини ошириб, юқори поғоналарга кўтарилишга ҳар бир теннисчида имкон бор. Чунки, Тошкентда ғолиб чиққан теннисчи яна ўзига 100 очко, финалчи 73, ярим финалчилар 45, нимчорак финалчилари 23 очкога эга бўладилар. 1/16 финал иштирокчилари 12, 1/32 иштирокчилари эса 1 очкодан оладилар. Мукофот жамғармасидан эса ғолибга 18 минг АҚШ доллари насиб қилади. Сўнг финалчи, ярим финалчилар, нимчорак финал иштирокчилари ўз навбатида 10.600, 6.275, 3.650, 2.150 ва 1.300 АҚШ-долларидан оладилар.

Шанба, 4 июнь куни якка ва жупт теннисчиларнинг ярим финал учрашувлари бўлади. 5 июнда эса 1-Халқаро теннис турнирининг финал ўйини “Президент кубоги”нинг ҳақиқий эгасини белгилаб беради. Шу кунги финал ўйинидан сўнг ғолиб ва совриндорларни тақдирлаш маросими бўлиб турнир тантанали тарзда епилади.

Турнир профессионаллар ўйини билангина чекланиб қолмайди. Бу ерда оммавий ахборот воситалари ходимлари учун ҳам махсус турнир ўтказилмоқда. Бу азалий анъана саналиб, йирик мусобақаларда журналистлар ҳам куч синишади.

Нодир МАҲМУДОВ.



Суратларда: Теннис байрами тантаналаридан лавҳалар.

А.Мамадаминов ва ўзА суратлари.

